




鏤玉雕瓊擬化玉兩道巧裁花剪葉奪春艷
以爭鮮是以黃雲謠則金母詞清挹霞醴則
穆王心醉名高白雲聲聲而自合鸞歌響遏
行雲字字而偏諧鳳律楊柳大堤之句樂府
相傳芙蓉曲渚之篇豪家自製莫不爭高門
下三千玳瑁之簪覽富樽前數十珊瑚之樹
則有綺筵公子繡幌佳人透葉葉之花牋文
抽麗錦舉纖纖之玉指拍按香檀不無清絕
之辭用助嬌嬈之態自南朝之宮體扇北里
之倡風何止言之不文所謂秀而不實有唐



已降率土之濱家家之香逕春風寧尋越艷
處處之紅樓夜月自鎖嫦娥在明皇朝則有
李太白之應制清平樂調四首近代温飛卿
復有金筌集邇來作者無媿前人今衛尉少
卿字弼基以拾翠洲邊自得羽毛之異織綃
泉底獨殊機杼之功廣會眾賓時延佳論因
集近來詩客曲子詞五百首分爲十卷以炯
粗預知音辱請命題仍爲叙引昔郢人有歌
陽春者號爲絕唱乃命之爲花間集庶使西
園英哲用資羽蓋之歡南國嬋娟休唱蓮舟

之引
廣政三年夏四月大蜀歐陽炯叙



花間集卷第一

五十首

温助教庭筠

五十首

菩薩蠻

計十四首 更漏子 六首 歸國遙 二首

酒泉子 四首

定西番 三首 楊柳枝 八首

南歌子 七首

河瀆神 三首 女冠子 二首

玉蝴蝶 一首

菩薩蠻

温助教庭筠

小山重疊金明滅鬢雲欲度香顚雪懶起畫
蛾眉弄粧梳洗遲 照花前後鏡花面交相
映新帖繡羅襦雙雙金鷓鴣



水精簾裏頗黎枕暖香惹夢鴛鴦錦江上柳
如煙鴈飛殘月天藕絲秋色淺人勝參差
剪雙鬢隔香紅玉釵頭上風

蕊黃無限當山額宿粧隱笑紗窗隔相見牡
丹時暫來還別離翠釵金作股釵上雙蝶
舞心事竟誰知月明花滿枝

翠翹金縷雙鸚鵡水紋細起春池碧池上海
棠梨雨晴紅滿枝繡衫遮笑笑壓烟草粘飛
蝶青瑣對芳菲玉關音信稀

杏花含露團香雪綠楊陌上多離別燈在月

朧明覺來聞曉鶯玉鈎褰翠幙粧淺舊眉
薄春夢正關情鏡中蟬鬢負輕

玉樓明月長相憶柳絲裊娜春無力門外草
萋萋送君聞馬嘶畫羅金翡翠香燭銷成
淚花落子規啼綠窻殘夢迷

鳳凰相對盤金縷牡丹一夜經微雨明鏡照
新粧鬢輕雙臉長畫樓相望久欄外垂絲
柳意信不歸來社前雙鷺迴

牡丹花謝鶯聲歇綠楊滿院中庭月相憶夢
難成背窻燈半明翠鈿金壓臉寂寞香闥

掩人遠淚闌干鷺飛春又殘

滿宮明月梨花白故人萬里關山隔金雁一
雙飛淚痕沾繡衣 小園芳艸綠家住越溪
曲楊柳色依依鷺歸君不歸

寶函鈿雀金鷄鵲沈香闥上吳山碧楊柳又
如絲驛橋春雨時 畫樓音信斷芳草江南
岸鸞鏡與花枝此情誰得知

南園滿地堆輕絮愁聞一霎清明雨雨後卻
斜陽杏華零落香 無言勻睡臉枕上屏山
掩時節欲黃昏無慘獨倚門

夜來皓月纔當午重簾悄悄無人語深處麝
烟長卧時留薄粧 當年還自惜往事那堪
憶花落月明殘錦衾知曉寒

雨晴夜合玲瓏日萬枝香裊紅絲拂開夢憶
金堂滿庭萱草長 繡簾垂翠窹眉黛遠山
綠春水渡溪橋凭欄魂欲銷

竹風輕動庭除冷珠簾月上玲瓏影山枕隱
穠粧綠檀金鳳凰 兩蛾愁黛淺故國吳宮
遠春恨正關情畫樓殘點聲

更漏子

柳絲長春雨細花外漏聲迢遞驚塞鴈起城
烏畫屏金鷓鴣香霧薄透簾幕惆悵謝家
池閣紅燭背繡簾垂夢長君不知
星斗稀鍾鼓歇簾外曉鶯殘月蘭露重柳風
斜滿庭堆落花虛閣上倚蘭望還似去年
惆悵春欲暮思無窮舊歡如夢中
金雀釵紅粉面花裏暫如相見知我意感君
憐此情須問天香作穗蠟成淚還似兩人
心意山枕賦錦衾寒覺來更漏殘
相見稀相憶久眉淺淡烟如柳垂翠幕結同

心侍郎燠繡衾城上月白如雪蟬鬢美人
愁絕宮樹暗鵲橋橫玉籤初報明
背江樓臨海月城上角聲嗚咽堤柳動島烟
昏兩行征鴈分西陵路歸帆渡正是芳菲
欲度銀燭盡玉繩低一聲村落雞
玉鑪香紅蠟淚偏照畫堂秋思眉翠薄鬢雲
殘夜長衾枕寒梧桐樹三更雨不道離情
正苦一葉葉一聲聲空階滴到明

歸國遙

香玉翠鳳寶釵垂窠窠鈿篸交勝金粟越羅

春水淥 画堂照簾殘 燭夢餘 更漏促 謝娘
無限心曲 曉屏山 斷續

雙臉小 鳳戰篔金 颭艷舞衣無力 風歛藕絲
秋色染 錦帳繡幃斜掩 露珠清曉 簟粉心
黃蕊花 厭憎黛黑 眉山兩點

酒泉子

花映柳條 吹向綠萍池上 凭闌干 窺細浪 雨
蕭蕭 近來音信兩疎 索洞房空 寂寞掩銀
屏 垂翠泊度春宵

日映紗窻 金鴨小屏 山口故鄉 春煙藹 隔背

蘭缸 宿粧惆悵 倚高閣 千里雲影薄 草初
齊 花又落 燕雙雙

楚女不歸 樓枕小河 春水月孤明 風又起 杏
花稀 玉釵斜篸雲鬟髻 裙上金縷鳳 八行
書 千里夢 鴈南飛

羅帶惹香 猶繫別時紅豆 淚痕新 金縷舊 斷
離腸 一雙嬌燕語 彫梁還是去年時 節綠
陰濃 芳草歇 柳花狂

定西番

漢使昔年離別 攀弱柳 折寒梅 上高臺 千

里玉關春雪鴈來人不來羌笛一聲愁絕月
徘徊

海鷺欲飛調羽萱草綠杏花紅隔簾櫳 雙
鬢翠霞金縷一枝春艷濃樓上月明三五鑽
窻中

細雨曉鶯春晚人似玉柳如眉正相思 羅
幕翠簾初捲鏡中花一枝腸斷塞門消息鴈
來稀

楊柳枝

宜春苑外最長條閑裊春風伴舞腰正是玉

人腸絕處一渠春水赤欄橋

南內墻東御路傍須知春色柳絲黃杏花未
肯無情思何事行人最斷腸

蘇小門前柳萬條毵毵金線拂平橋黃鶯不
語東風起深閉朱門伴舞腰

金縷毵毵碧瓦溝六宮眉黛惹香愁晚來更
帶龍池雨半拂欄干半入樓

館娃宮外鄴城西遠映征帆近拂堤繫得王
孫歸意切不同芳草綠萋萋

兩兩黃鸝色似金裊枝啼露動芳音春來幸

自長如線可惜牽纏蕩子心

御柳如絲映九重鳳凰窻映繡芙蓉景陽樓
畔千條路一面新粧待曉風

織錦機邊鶯語頻停梭垂淚憶征人塞門三
月猶蕭索縱有垂楊未覺春

南歌子

手裏金鸚鵡胸前繡鳳凰偷眼暗形相不如
從嫁與作鴛鴦
似帶如絲柳團蘇握雪花簾捲玉鈎斜九衢
塵欲暮逐香車

鬢墮低梳髻連娟細掃眉終日兩相思爲君
憔悴盡百花時

臉上金霞細眉間翠鈿深欹枕覆鴛衾隔簾
鶯百轉感君心

撲蕊添黃子呵花滿翠鬢鴛鴦枕映屏山月明
三五夜對芳顏

轉眄如波眼娉婷似柳腰花裏暗相招憶君
腸欲斷恨春宵

懶拂鴛鴦枕休縫翡翠裙羅帳罷鑪燻近來
心更切爲思君

河瀆神

河上望叢祠廟前春雨來時楚山無限鳥飛
遲蘭棹空傷別離何處杜鵑啼不歇艷紅
開盡如血蟬鬢美人愁絕百花芳草佳節
孤廟對寒潮西陵風雨蕭蕭謝娘惆悵倚欄
撓淚流玉筍千條暮天愁聽思歸落早梅
香滿山郭迴首兩情蕭索離魂何處飄泊
銅鼓賽神來滿庭幡蓋徘徊水村江浦過風
雷楚山如畫煙開離別櫓聲空蕭索玉容
惆悵粧薄青麥鸞飛落落捲簾愁對珠閣

女冠子


含嬌含笑宿翠殘紅窈窕鬢如蟬寒玉簪秋
水輕紗捲碧煙雪冑鸞鏡裏琪樹鳳樓前
寄語青娥伴早求仙
霞帔雲髮鈿鏡仙容似雪盡愁眉遮語迴輕
扇含羞下繡幃玉樓相望久花洞恨來遲
早晚乘鸞去莫相遺

玉胡蝶

秋風淒切傷離行客未歸時塞外草先衰江
南鴈到遲芙蓉凋嫩臉楊柳墮新眉搖落

使人悲斷腸誰得知

花間集卷第一



花間集卷第二

四十九首

温助教庭筠六首

清平樂二首 遐方怨二首 訴衷情一首

思帝鄉二首 夢江南二首 河傳三首

蕃女怨二首 荷葉盃三首

皇甫先輩松十一首

天仙子二首 浪濤沙二首 楊柳枝二首

摘得新二首 夢江南二首 採蓮子一首

韋相莊二十二首

浣溪沙五首 菩薩蠻五首 歸國遙三首

應天長 二首 荷葉盃 二首 清平樂 四首

望遠行 一首

清平樂

溫庭筠

上陽春晚宮女愁蛾淺新歲清平思同輦爭
那長安路遠 鳳帳鴛鴦被徒燠寂寞花鎖千
門竟把黃金買賦爲妾將上明君
洛陽愁絕楊柳花飄雪終日行人爭攀折橋
下水流嗚咽 上馬爭勸離觴南浦鶯聲斷
腸愁殺平原年少迴首揮淚千行

遐方怨

憑繡檻解羅幃未得君書斷腸瀟湘春鴈飛
不知征馬幾時歸海棠花謝也雨霏霏
花半坼雨初晴未卷珠簾夢殘惆悵聞曉鶯
宿粧眉淺粉山橫約鬢鸞鏡裏繡羅輕

訴衷情

鶯語花舞春晝午雨霏微金帶枕宮錦鳳凰
帷柳弱蜨交飛依依遼陽音信稀夢中歸

思帝鄉

花花滿枝紅似霞羅袖畫簾腸斷卓香車迴
面共人閑語戰篋金鳳斜唯有阮郎春盡不

歸家

夢江南

千萬恨恨極在天涯山月不知心裏事水風
空落眼前花搖曳碧雲斜
梳洗罷獨倚望江樓過盡千帆皆不是斜暉
脉脉水悠悠腸斷白蘋洲

河傳

江畔相喚曉粧仙仙景箇女採蓮請君莫向
那岸邊少年好花新滿舡紅袖搖曳逐風
暖垂玉腕腸向柳絲斷浦南歸浦北歸莫知

晚來人已稀

湖上閑望雨蕭蕭煙浦花橋路遙謝娘翠娥
愁不銷終朝夢魂迷晚潮蕩子天涯歸棹
遠春已晚鶯語空腸斷若耶溪溪水西柳堤
不聞郎馬嘶

同伴相喚杏花稀夢裏每愁依違仙客一去
鷺已飛不歸淚痕空滿衣天際雲鳥引晴
遠春已晚煙靄渡南苑雪梅香柳帶長小娘
轉令人意傷

蕃女怨

萬枝香雪開已遍細雨雙鷺鈿蟬箏金雀扇
畫梁相見鴈門消息不歸來又飛迴
磧南沙上驚鴈起飛雪千里玉連環金鏃箭
年年征戰畫樓離恨錦屏空杏花紅

荷葉盃

一點露珠凝冷波影滿地塘綠莖紅艷兩相
亂腸斷水風涼
鏡水夜來秋月如雪採蓮時小娘紅粉對寒
浪惆悵正思想
楚女欲歸南浦朝雨濕愁紅小船搖漾入花

裏波起隔西風

天仙子

皇甫先輩松

晴野鷺鷥飛一隻水蒨花發秋江碧劉郎此
日別天仙登綺席淚珠滴十二晚峯高歷歷
躑躅花開紅照水鷓鴣飛遶青山觜行人經
歲始歸來千萬里錯相倚懊惱天仙應有以
浪濤沙

灘頭細草接疎林浪惡曾舡半欲沈宿鷺眠
鷗飛舊浦去年沙觜是江心
蠻歌豆蔻北人愁浦雨杉風野艇秋浪起鷓

鵲眠不得寒沙細細入江流

楊柳枝

春入行宮映翠微
玄宗侍女舞煙絲
如今柳向空城綠
玉笛何人更把吹

爛熳春歸水國時
吳王宮殿柳絲垂
黃鶯長叫空閨畔
西子無因更得知

摘得新

酌一卮
須教玉笛吹
錦筵紅蠟燭
莫來遲
繁紅一夜經風雨
是空枝

摘得新枝枝葉葉
春管絃兼美酒
最關人平

生都得幾十度展香茵

夢江南

蘭燼落屏上
暗紅蕉
閑夢江南梅熟日
夜舡吹笛雨蕭蕭
人語驛邊橋

樓上寢殘月下簾
旌夢見秣陵惆悵事
桃花柳絮滿江城
雙鬢坐吹笙

採蓮子

菡萏香蓮十頃陂
舉棹小姑貪戲採蓮遲
年少晚來弄水船頭濕
舉棹更脫紅裙裏
鴨兒年少舡動湖光灩灩秋
舉棹貪看年少信舡流
年少

無端隔水拋蓮子舉棹遙被人知半日羞年少

浣溪沙

韋相莊

清曉粧成寒食天柳毬斜裊間花鈿捲簾直
出畫堂前指點牡丹初綻朶日高猶自凭
朱欄含嚔不語恨春殘

欲上鞦韆四體慵擬交人送又心忪畫堂簾
幕月明風此夜有情誰不極隔墻梨雪又

玲瓏玉容憔悴惹微紅

惆悵夢餘山月斜孤燈照壁背紅紗小樓高
閣謝娘家暗想玉容何所似一枝春雪凍

梅花滿身香霧簇朝霞

綠樹藏鶯鶯正啼柳絲斜拂白銅堤弄珠江
上草萋萋日暮飲歸何處客繡鞍驄馬一
聲嘶滿身蘭麝醉如泥

夜夜相思更漏殘傷心明月凭欄干想君思
我錦衾寒咫尺畫堂深似海憶來唯把舊
書看幾時携手入長安

菩薩蠻

紅樓別夜堪惆悵香燈半捲流蘇帳殘月出
門時美人和淚辭琵琶金翠羽絃上黃鶯

語勸我早歸家綠窻人似花
人人盡說江南好遊人只合江南老春水碧
於天盡舡聽雨眠 鑪邊人似月皓腕凝雙
雪未老莫還鄉還鄉須斷腸
如今却憶江南樂當時年少春衫薄騎馬倚
斜橋滿樓紅袖招 翠屏金屈曲醉入花叢
宿此度見花枝白頭誓不歸
勸君今夜須沉醉樽前莫話明朝事珍重主
人心酒深情亦深 須愁春漏短莫訴金盃
滿遇酒且呵呵人生能幾何

洛陽城裏春光好洛陽才子他鄉老柳暗魏
王堤此時心轉迷 桃花春水淥水上鴛鴦
浴疑恨對殘暉憶君君不知

歸國遙

春欲暮滿地落花紅帶雨惆悵玉籠鸚鵡單
栖無伴侶 南望去程何許問花花不語早
晚得同歸去恨無雙翠羽

金翡翠爲我南飛傳我意罨畫橋邊春水幾
年花下醉 別後只知相愧淚珠難遠寄羅
幕繡幃鴛鴦被舊歡如夢裏

春欲晚戲蝶遊蜂花爛熳日落謝家池館柳
絲金縷斷 睡覺綠髮風亂盡屏雲雨散閑
倚博山長歎淚流沾皓腕

應天長

綠槐陰裏黃鶯語深院無人春晝午畫簾垂
金鳳舞寂寞繡屏香一炷 碧天雲無定處
空有夢魂來去夜夜綠窻風雨斷腸君信否
別來半歲音書絕一寸離腸千萬結難相見
易相別又是玉樓花似雪 暗相思無處說
惆悵夜來烟月想得此時情切淚沾紅袖腕

荷葉盃

絕代佳人難得傾國花下見無期一雙愁黛
遠山眉不忍更思惟 閑掩翠屏金鳳殘夢
羅幕盡堂空碧天無路信難通惆悵舊房櫳
記得那年花下深夜初識謝娘時水堂西面
畫簾垂携手暗相期 惆悵曉鶯殘月相別
從此隔音塵如今俱是異鄉人相見更無因

清平樂

春愁南陌故國音書隔細雨霏霏梨花白鷺
拂畫簾金額 盡日相望王孫塵滿衣上淚

痕誰向橋邊吹笛駐馬西望銷魂

野花芳草寂寞關山道柳吐金絲鶯語早惆
悵香閨暗老 羅帶悔結同心獨凭朱欄思
深夢覺半床斜月小窗風觸鳴琴


何處遊女蜀國多雲雨雲解有情花解語辜
地繡羅金縷 粧成不整金鈿含羞待月鞦韆
住在綠槐陰裏門臨春水橋邊

鶯啼殘月繡閣香燈滅門外馬嘶郎欲別正
是落花時節 粧成不盡蛾眉含愁獨倚金
扉云路香塵莫掃掃即郎去歸遲


望遠行

欲別無言倚畫屏含恨暗傷情謝家庭樹錦
鷄鳴殘月落邊城 人欲別馬頻嘶綠槐千
里長堤出門芳草路萋萋雲雨別來易東西
不忍別君後却入舊香閨

花間集卷第二



國家圖書館, NATIONAL CENTRAL LIBRARY, TAIWAN, R.O.C.



一
本

九

花間集卷第三

五十首

韋相莊

十五首

謁金門二首 江城子二首 河傳三首

天仙子五首 喜遷鶯二首 思帝鄉二首

訴衷情二首 上行盃二首 女冠子二首

更漏子一首 酒泉子一首 木蘭花一首

小重山一首

薛侍郎

昭蘊九首

浣溪沙八首 喜遷鶯三首 小重山二首

離別難一首 相見歡一首 醉公子一首



女冠子二首 謁金門一首

牛給事

五首

柳枝 五首

謁金門

韋相莊

春漏促金燼暗挑殘燭一夜簾前風撼竹夢
魂相斷續有箇嬌饒如玉夜夜繡屏孤宿
閑抱琵琶尋舊曲遠山眉黛黑綠
空相憶無計得傳消息天上常娥人不識寄
書何處覓新睡覺來無力不忍把君書跡
滿院落花春寂寂斷腸芳艸碧

江城子

恩重嬌多情易傷漏更長解鴛鴦朱唇未動
先覺口脂香緩揭繡衾抽皓腕移鳳枕枕潘郎
鬢髮狼籍黛眉長出蘭房別檀郎角聲嗚咽
星斗漸微茫露冷月殘人未起留不住淚千行

河傳

何處煙雨隋堤春暮柳色惹蘿畫橈金縷翠
旗高颭香風水光融青娥殿脚春粧媚輕
雲裏綽約司花妓江都宮闕清淮月映迷樓
古今愁

春晚風暖錦城花滿狂殺遊人玉鞭金勒尋
勝馳驟輕塵惜良晨 翠娥爭勸臨卣酒纖
纖手拂面垂絲柳歸時煙裏鐘鼓正是黃昏
暗銷魂

錦浦春女繡衣金縷露薄雲輕花深柳暗時
節正是清明雨初晴 玉鞭魂斷煙霞路鶯
鶯語一望巫山雨香塵隱映遙望翠檻紅樓
黛眉愁

天仙子

悵望前回夢裏期看花不語苦尋思露桃花

裏小腰肢眉眼細鬢雲垂唯有多情宋玉知
深夜歸來長酩酊扶入流蘇猶未醒醺醺酒
氣麝蘭和驚睡覺笑呵呵長道人生能幾何
蟾彩霜華夜不分天外鴻聲枕上聞繡衾香
冷嬾重薰人寂寂葉紛紛纔睡依前夢見君
夢覺雲屏依舊空杜鵑聲咽隔簾櫳玉郎薄
幸去無蹤一日日恨重重淚界蓮腮兩線紅
金似衣裳玉似身眼如秋水鬢如雲霞裙月
帔一羣羣來洞口望煙分劉阮不歸春日曛

喜遷鶯

人洶洶鼓鼙鼙襟袖五更風大羅天上月朦朧
騎馬上虛空 香滿衣雲滿路鸞鳳遶身
飛舞霓旌絳節一羣羣引見玉華君
街鼓動禁城開天上探人迴鳳銜金榜出門
來平地一聲雷 鶯已遷龍已化一夜滿城
車馬家家樓上簇神仙爭看鶴冲天

思帝鄉

雲髻墜鳳釵垂髻墜釵垂無力枕函欹翡翠
屏深月落漏依依說盡人間天上兩心知
春日遊杏花吹滿頭陌上誰家年少足風流

妾擬將身嫁與一生休縱被無情弃不能羞

訴衷情

燭燼香殘簾未捲夢初驚花欲謝深夜月朧
明何處按歌聲輕輕舞衣塵暗生負春情
碧沼紅芳煙雨靜倚蘭橈垂玉珮交帶裊纖
腰鴛夢隔星橋迢迢越羅香暗銷墜花翹

上行盃

芳艸灞陵春岸柳煙深滿樓絃管一曲離腸
寸寸斷 今日送君千萬紅縷玉盤金鏤盞
須勸瓊重意莫辭滿

白馬玉鞭金轡少年郎離別容易迢遞去程
千萬里 惆悵異鄉雲水滿酌一盃勸和淚
須愧玊重意莫辭醉

女冠子

四月十七正是去年今日別君時忍淚佯低
面含羞半斂眉 不知魂已斷空有夢相隨
除卻天邊月沒人知
昨夜夜半枕上分明夢見語多時依舊桃花
面頻低柳葉眉 半羞還半喜欲去又依依
覺來知是夢不勝悲

更漏子

鐘鼓寒樓閣暝月照古桐金井深院閉小庭
空落花香露紅 煙柳重春霧薄燈背水窻
高閣閑倚戶暗沾衣待郎郎不歸

酒泉子

月落星沉樓上美人春睡綠雲傾金枕膩盡
屏深 子規啼破相思夢曙色東方纔動柳
煙輕花露重思難任

木蘭花

獨上小樓春欲暮愁望玉關芳艸路消息斷

不逢人卻斂細眉歸繡戶 坐看落花空歎
息羅袂濕班紅淚滴千山萬水不曾行魂夢
欲教何處覓

小重山

一閉昭陽春又春夜寒宮漏永夢君恩卧思
陳事暗消魂羅衣濕紅袂有啼痕 歌吹隔
重閣遶庭芳艸綠倚長門萬般惆悵向誰論
顯情立宮殿欲黃昏

浣溪沙

薛侍郎 昭蘊

紅蓼渡頭秋正雨印沙鷗跡自成行整鬢飄

袖野風香 不語含嚬深浦裏幾迴愁煞棹

舡郎鷺歸帆盡水茫茫

鈿匣菱花錦帶垂靜臨蘭檻卸頭時約鬢低
珥筓歸期 花茂艸青湘渚闊夢餘空有漏
依依二年終日損芳菲

粉上依稀有淚痕郡庭花落欲黃昏遠情深
恨與誰論 記得去年寒食日延秋門外卓
金輪日斜人散暗消魂

握手河橋柳似金蜂鬚輕惹百花心蕙風蘭
思寄清琴 意滿便同春水滿情深還似酒

孟深楚煙湘月兩沉沉

簾下三間出寺墻滿街垂柳綠陰長嫩紅輕
翠間濃粧 瞥地見時猶可可卻來閑處暗
思量如今情事隔仙鄉

江館清秋纜客舡故人相送夜開筵麝煙蘭
燄簇花鈿 正是斷魂迷楚雨不堪離恨咽
湘絃月高霜白水連天

傾國傾城恨有餘幾多紅淚泣姑蘇倚風凝
睇雪肌膚 吳主山河空落日越王宮殿半
平蕪藕花菱蔓滿重湖

越女淘金春水上步搖雲鬢珮鳴璫渚風江
草又清香 不為遠山凝翠黛只應含恨向
斜陽碧桃花謝憶劉郎

喜遷鶯

殘蟾落曉鐘鳴羽化覺身輕乍無春睡有餘
醒杏苑雪初晴 紫陌長襟袖冷不是人間
風景迴看塵土似前生休羨谷中鶯

金門曉玉京春駿馬驟輕塵樺煙深處白衫
新認得化龍身 九陌喧千戶啟滿袖桂香
風細杏園歡宴曲江濱自此占芳辰

清明節雨晴天得意正當年馬驕泥軟錦連
乳香細半籠鞭 花色融人覓賞盡是繡鞍
朱鞅日斜無計更留連歸路艸和煙

小重山

春到長門春草青玉堦華露滴月朧明東風
吹斷玉簫聲宮漏促簾外曉啼鶯 愁起夢
難成紅粧流宿淚不勝情手按裙帶遶宮行
思君切羅幌暗塵生
秋到長門秋草黃畫梁雙燕去出宮墻玉簫
無復理霓裳金蟬墜鸞鏡掩休粧 憶昔在

昭陽舞衣紅綬帶繡鴛鴦至今猶惹御爐香
魂夢斷愁聽漏更長

離別難

寶馬曉鞦韆鞍羅幃乍別情難那堪春景媚
送君千萬里半粧珠翠落露華寒紅蠟燭青
絲曲偏能鈎引淚闌干 良夜促香塵綠魂
欲迷檀眉半斂愁低未別心先咽欲語情難
說出芳艸路東西搖袖立春風急櫻花楊柳
雨淒淒

相見歡

羅襦繡袂香紅畫堂中細艸平沙蕃馬小屏
風卷羅幕凭粧閣思無窮暮雨輕煙魂斷
隔簾櫳

醉公子

慢綰青絲髮光研吳綾襪床上小燠籠韶州
新退紅 叵耐無端處捻得從頭汚惱得眼
慵開問人閑事來

女冠子

求仙去也翠鈿金篋盡捨入品巒霧務捲黃羅
帔雲彫白玉冠 野煙溪洞冷林月石橋寒

靜夜松風下禮天壇

雲羅霧縠新授明威法錄降真函髻綰青絲
髮冠抽碧玉簪 往來雲過五去住島經三
正遇劉郎使啟瑤緘

謁金門

春滿院壘損羅衣金線睡覺水精簾未捲簷
前雙語鷺 斜掩金鋪一扇滿地落花千片
早是相思腸欲斷忍交頻夢見

柳枝

牛給事嶠

解凍風來未上青解垂羅袖拜卿卿無端裊

娜臨官路舞送行人過一生

吳王宮裏色偏深一簇纖條萬縷金不憤錢塘蘇小小引郎松下結同心

橋北橋南千萬條恨伊張緒不相饒金羈白馬臨風望認得楊家靜婉腰

狂雪隨風撲馬飛惹煙無力被春欺莫交移入靈和殿宮女三千又妬伊

裊翠籠煙拂暖波舞裙新染麴塵羅章華臺畔隨堤上傍得春風尔許多

花間集卷第三

花間集卷第四

五十首

牛給事嶠

十六首

女冠子 四首 夢江南 二首 感恩多 二首

應天長 二首 更漏子 三首 望江怨 一首

菩薩蠻 七首 酒泉子 一首 定西番 一首

玉樓春 一首 西溪子 一首 江城子 二首

張舍人泌

十三首

浣溪沙 十首 臨江仙 一首 女冠子 一首

河傳 二首 酒泉子 一首 生查子 一首

思越人 一首 滿宮花 一首 柳枝 一首

南歌子 三首

女冠子

牛給事嶠

綠雲高髻點翠勻紅時世月如眉淺笑含雙
靨低聲唱小詞 眼看唯恐化魂蕩欲相隨
玉趾迴嬌步約佳期

錦江煙水卓女燒春濃美小檀霞繡帶芙蓉
帳金釵芍藥花 額黃侵膩髮臂釧透紅紗
柳暗鶯啼處認郎家

星冠霞帔住在蕊珠宮裏佩丁當明翠搖蟬
翼織珪理宿粧 醮壇春艸綠藥院杏花香

青鳥傳心事寄劉郎

雙飛雙舞春晝後園鶯語卷羅幃錦字書封
了銀河鴈過遲 鴛鴦排寶帳葢葢繡連枝
不語勻珠淚落花時

夢江南

啣泥鷺鳥飛到畫堂前占得杏梁安穩處體輕
唯有主人憐堪羨好因緣
紅繡被兩兩間鴛鴦不是鳥中偏愛爾爲緣
交頸睡南塘全勝薄情郎

感恩多

兩條紅粉淚多少香閨意強攀桃李枝斂愁
眉 陌上鶯啼蝶舞柳花飛柳花飛願得郎
心憶家還早歸

自從南浦別愁見丁香結近來情轉深憶鴛
衾 幾度將書託煙鴈淚盈襟淚盈襟禮月
求天願君知我心

應天長

玉樓春望晴煙滅舞衫斜卷金調脫黃鸝嬌
轉聲初歇杏花飄盡攏山雪 鳳釵低赴節
筵上王孫愁絕鴛鴦對啣羅結兩情深夜月

雙眉澹薄藏心事清夜背燈嬌又醉玉釵橫
山枕膩寶帳鴛鴦春睡美 別經時無恨意
虛道相思憔悴莫信綵牋書裏賺人腸斷字

更漏子

星漸稀漏頻轉何處輪臺聲怨香閣掩杏花
紅月明楊柳風 挑錦字記情事唯願兩心
相似收淚語背燈眠玉釵橫枕邊

春夜闌更漏促金燼暗挑殘燭驚夢斷錦屏
深兩鄉明月心 閨艸碧望歸客還是不知
消息辜負我悔憐君告天天不聞

南浦情紅粉淚爭柰兩人深意低翠黛卷征
衣馬嘶霜葉飛 招手別寸腸結還是去年
時節書託鴈夢歸家覺來江月斜

望江怨

東風急惜別花時手頻執羅幃愁獨入馬嘶
殘雨春蕪濕倚門立寄語薄情郎粉香和淚泣
菩薩蠻
舞裙香暖金泥鳳畫梁語鶯驚馬殘夢門外柳
花飛玉郎猶未歸 愁勻紅粉淚眉前剪春山
翠何處是遼陽錦屏春晝長

柳花飛處鶯聲急晴街春色香車立金鳳小
簾開臉波和恨來 今宵求夢想難到青樓
上贏得一場愁鴛衾誰並頭

玉釵風動春幡急交枝紅杏籠煙泣樓上望
卿卿窻寒新雨晴 薰爐蒙翠被繡帳鴛鴦
睡何處有相知羨他初畫眉

畫屏重疊巫陽翠楚神尚有行雲意朝暮幾
般心向他情漫深 風流今古隔虛作瞿塘
客山月照山花夢迴燈影斜
風簾鶯舞鶯啼柳粧臺約鬢低纖手釵重髻

盤珊一枝紅牡丹 門前行樂客白馬嘶春
色故故墜金鞭迴頭應眼穿

綠雲鬢上飛金雀愁眉斂翠春煙薄香閣掩
芙蓉畫屏山幾重 窗寒天欲曙猶結同心
芭啼粉污羅衣問郎何日歸

玉樓冰簟鴛鴦錦粉融香汗流山枕簾外轆
轤聲斂眉含笑驚 柳陰煙漠漠低鬢蟬釵
落須作一生拚盡君今日歡

酒泉子

記得去年煙暖杏園花正發雪飄香江艸綠

柳絲長 鈿車纖手卷簾望眉學春山樣鳳
釵低裊翠鬟落梅粧

定西番

紫塞月明千里金甲冷戍樓寒夢長安 鄉思
望中天闊漏殘星亦殘畫角數聲嗚咽雪漫漫

玉樓春

春入橫塘搖淺浪花落小園空惆悵此情誰
信爲狂夫恨翠愁紅流枕上 小玉窻前嗔
鶯語紅淚滴穿金線縷鴈歸不見報郎歸織
成錦字封過與

西溪子

捍撥雙盤金鳳蟬鬢玉釵搖動畫堂前人不
語弦解語彈到昭君怨處翠蛾愁不迴頭

江城子

鷓鴣飛起郡城東碧江空半灘風越王宮殿
蘋葉藕花中簾捲水樓魚浪起千片雪雨濛濛
極浦煙消水鳥飛離筵分首時送金卮渡口楊
花狂雪任風吹日暮天空波浪急芳艸岸雨如絲

浣溪沙

張舍人泌

鈿轂香車過柳堤樺煙分處馬頻嘶爲他沉

醉不成泥 花滿驛亭香露細杜鵑聲斷玉
蟾低含情無語倚樓西

馬上凝情憶舊遊照花淹竹小溪流鈿箏羅
幕玉搔頭 早是出門長帶月可堪分袂又
經秋晚風斜日不勝愁

獨立寒堦望月華露濃香泛小庭花繡屏愁
背一燈斜 雲雨自從分散後人間無路到
仙家但憑魂夢訪天涯

依約殘眉理舊黃翠鬟拋擲一簪長暖風晴
日罷朝粧 閑折海棠看又撚玉纖無力惹

餘香此情誰會倚斜陽

翡翠屏開繡幄紅謝娥無力曉粧慵錦帷鴛
被宿香濃 微雨小庭春寂寞鶯飛鶯語隔
簾櫳杏花凝恨倚東風

枕障燠鑪隔繡幃二年終日兩相思杏花明
月始應知 天上人間何處去舊歡新夢覺
來時黃昏微雨盡簾垂

花月香寒悄夜塵綺筵幽會暗傷神嬋娟依
約盡屏人 人不見時還暫語令纔拋後愛
微嚔越羅巴錦不勝春

偏戴花冠白玉簪睡容新起意沉吟翠鈿金
縷鎮眉心 小檻日斜風悄悄隔簾零落杏
花陰斷香輕碧鏤愁深

晚逐香車入鳳城東風斜揭繡簾輕慢迴嬌
眼笑盈盈 消息未通何計是便須佯醉且
隨行依稀聞道大狂生

小市東門欲雪天衆中依約見神仙蕊黃香
盡貼金蟬 飲散黃昏人草草醉容無語立
門前馬嘶塵烘一街煙

臨江仙

煙收湘渚秋江靜
蕉花露泣愁紅
五雲雙鶴去無蹤
幾迴魂斷凝望向長空
翠竹暗留珠淚怨
閑調寶瑟波中
花鬢月鬢綠雲重
古祠深殿香冷雨和風

女冠子

露花煙草寂寞五雲三島正
春深白減潛銷玉香殘
尚惹襟竹疎虛檻
靜松密醮壇陰
何事劉郎去信沉沉

河傳

渺莽雲水惆悵暮帆去程迢遞
夕陽芳艸千

里萬里鴈聲無限起
夢魂悄斷煙波裏
心如醉相見何處是
錦屏香冷無睡被頭多少淚
紅杏交枝相映密密濛濛
一庭濃豔倚東風
香融透簾櫳斜陽似共春光語
蝶爭舞更引流鶯如魂銷
千片玉罇前神仙瑤池醉暮天

酒泉子

春雨打窗驚夢覺
來天氣曉畫堂深紅
燄小背蘭缸酒香噴
擘懶開缸惆悵更無人共
醉舊巢中新燕
鳥子語雙雙

紫陌青門三十六宮春色
御溝輦路暗相通

杏園風 咸陽沽酒寶釵空笑指未央歸去
插花走馬落殘紅月明中

生查子

相見稀喜見相見相見還相遠檀盡荔枝紅
金蔓蜻蜓軟 魚鴈疎芳信斷花落庭陰晚
可惜玉肌膚消瘦成慵懶

思越人

鸞鳥雙飛鶯百轉越波堤下長橋鬪鈿花筐金
匣恰舞衣羅薄纖腰 東風澹蕩慵無力黛
眉愁聚春碧滿地落花無消息月明腸斷空憶

滿宮花

花正芳樓似綺寂寞上陽宮裏鈿籠金鎖睡
鴛鴦簾冷露華珠翠 嬌艷輕盈香雪膩細
雨黃鶯雙起東風惆悵欲清明公子橋邊沉醉

柳枝

膩粉瓊粧透碧紗雪休誇金鳳搔頭墮鬢斜
髮交加 倚著雲屏新睡覺思夢笑紅腮隱
出枕函花有些些

南歌子

柳色遮樓暗桐花落砌香畫堂開處遠風涼

高卷水精簾額襯斜陽
岸柳拖煙綠庭花照日紅
數聲蜀魄入簾櫳
驚斷碧窓殘夢畫屏空
錦薦紅鸚鵡羅衣繡鳳凰
綺疎飄雪北風狂
簾幕盡垂無事鬱金香

花間集卷第四

花間集卷第五

五十首

張舍人泌四首

江城子二首 河瀆神一首 胡蝶兒一首

毛司徒文錫十一首

虞美人二首 酒泉子一首 喜遷鶯一首

贊成功一首 西溪子一首 中興樂一首

更漏子一首 接賢賓一首 贊浦子一首

甘州遍一首 紗窓恨二首 柳含煙四首

醉花間二首 浣沙溪一首 浣溪沙一首

月宮春一首 戀情深二首 訴衷情二首

應天長一首 何滿子一首 巫山一段雲一首

臨江仙一首

牛學士希濟十一首

臨江仙七首 酒泉子一首 生查子一首

中興樂一首 謁金門一首

歐陽舍人炯四首

浣溪沙四首

江城子

張舍人泌

碧欄干外小中庭雨初晴曉鶯聲飛絮落花時
節近清明睡起卷簾無一事勻面了沒心情

浣花溪上見卿卿臉波秋水明黛眉輕綠雲高
縮金簇小蜻蜓好是問他來得磨和笑道莫多情

河瀆神

古樹噪寒鴉滿庭楓葉蘆花晝燈當午隔輕
紗畫閣珠簾影斜 門外往來祈賽客翩翩
帆落天涯迴首隔江煙火渡頭三兩人家

胡蝶兒

胡蝶兒晚春時阿嬌初着淡黃衣倚窻學畫
伊 還似花間見雙雙對對飛無端和淚拭
鸞脂惹教雙翅垂

虞美人

毛司徒文錫

鴛鴦對浴銀塘暖水面蒲梢短垂楊低拂麴
塵波蛟絲結網露珠多滴圓荷 遙思桃葉
吳江碧便是天河隔錦鱗紅鬣影沉沉相思
空有夢相尋意難任

寶檀金縷鴛鴦枕綬帶盤宮錦夕陽低映小
窗明南園綠樹語鶯鶯夢難成 玉鑪香暖
頻添炷滿地飄輕絮珠簾不卷度沉煙庭前
閑立畫鞦韆艷陽天

酒泉子

綠樹春深鶯語鶯啼聲斷續蕙風飄蕩入芳
叢惹殘紅 柳絲無力裊煙空金盞不辭湏
滿酌海棠花下思朦朧醉香風

喜遷鶯

芳春景暖晴煙喬木見鶯遷傳枝俚葉語關
關飛過綺叢間 錦翼鮮金毳軟百轉千嬌
相喚碧紗窗曉怕聞聲驚破鴛鴦暖

贊成功

海棠未坼萬點深紅香包緘結一重重似含
羞態邀勒春風蜂來蝶去任遶芳叢 昨夜

微雨飄灑庭中忽聞聲滴井邊桐美人驚馬起
坐聽晨鐘快教折取戴玉瓏璵

西溪子

昨日西溪遊賞芳樹奇花千樣鎖春光金罇
滿聽絃管嬌妓舞衫香暖不覺到斜暉馬馱歸

中興樂

豆蔻花繁煙艷深丁香軟結同心翠鬢女相
與共淘金紅蕉葉裏猩猩語鴛鴦浦鏡中
鸞舞舞絲雨隔荔枝陰

更漏子

春夜闌春恨切花外子規啼月人不見夢難
憑紅紗一點燈偏怨別是芳節庭下丁香
千結宵霧散曉霞輝梁間雙燕飛

接賢賓

香鞦縷檐五花驄值春景初融流珠噴沫躩
蹠汗血流紅少年公子能乘馭金鑣玉轡
瓏璵爲惜珊瑚鞭不下驕生百步千蹤信穿
花從拂柳向九陌追風

贊浦子

錦帳添香睡金鑪換夕薰懶結芙蓉帶慵拖

翡翠裙 正是桃夭柳媚那堪暮雨朝雲宋
玉高唐意裁瓊欲贈君

甘州遍

春光好公子愛閑遊足風流金鞍白馬雕弓
寶劍紅纓錦襜出長鞦 花蔽膝玉銜頭尋
芳逐勝歡宴絲竹不曾休美人唱揭調是甘
州醉紅樓堯年舜日樂聖永無憂

秋風緊平磧鴈行低陣雲齊蕭蕭颯颯邊聲
四起愁聞戍角與征鼙 青塚北黑山西沙
飛聚散無定往往路人迷鐵衣冷戰馬血沾

蹄破蕃溪鳳皇詔下步步躡丹梯

紗窓恨

新春燕子還來至一雙飛壘巢泥濕時時墜
浣人衣 後園裏看百花發香風拂繡戶金
扉月照紗窓恨依依

雙雙蝶翅塗鉛粉啣花心綺窓繡戶飛來穩
畫堂陰 二三月愛隨飄絮伴落花來拂衣
襟更剪輕羅片傳黃金

柳含煙

隋堤柳汴河春夾岸綠陰千里龍舟鳳舸木

蘭香錦帆張 因夢江南春景好一路流蘇
羽葆笙歌未盡起橫流鏢春愁

河橋柳占芳春映水含煙拂路幾迴攀折贈
行人暗傷神 樂府吹爲橫笛曲能使離腸
斷續不如移植在金門近天恩

章臺柳近垂旒低拂往來冠蓋朦朧春色滿
皇州瑞煙浮 直與路邊江畔別免被離人
攀折最憐京兆畫蛾眉葉纖時

御溝柳占春多半出宮墻婀娜有時倒影醮
輕羅麴塵波 昨日金鑾巡上苑風亞舞腰

纖軟栽培得地近皇宮瑞煙濃

醉花間

休相問怕相問相問還添恨春水滿塘生鷓
鴒還相趁 昨夜雨霏霏臨明寒一陣偏憶
戍樓人久絕邊庭信

深相憶莫相憶相憶情難極銀漢是紅墻一
帶遙相隔 金盤珠露滴兩岸榆花白風搖
玉珮清今夕爲何夕

浣沙溪

春水輕波浸綠苔枇杷洲上紫檀開晴日眠

沙鷗鵝穩暖相隈 羅襪生塵游女過有人
逢着弄珠迴蘭麝飄香初解珮忘歸來

浣溪沙

七夕年年信不違 銀河清淺白雲微 蟾光鵲
影伯勞飛 每恨蟪蛄憐婺女 幾迴嬌妬下
鴛鴦機 今宵嘉會兩依依

月宮春

水精宮裏桂花開 神仙探幾迴 紅芳金蕊繡
重臺 低傾馬腦盃 玉兔銀蟾爭守護 姮娥
姹女戲相隈 遙聽鈞天九奏 玉皇親看來

戀情深

滴滴銅壺寒 漏咽醉紅樓 月宴餘香殿 會鴛
衾蕩春心 真珠簾下 曉光侵鶯語 隔瓊林
寶帳欲開慵 起戀情深
玉殿春濃花爛熳 簇神仙伴 羅裙窄地 縷黃
金奏清音 酒闌歌罷 兩沉沉 一笑動君心
永願作鴛鴦伴 戀情深

訴衷情

桃花流水漾縱橫 春晝彩霞明 劉郎去阮郎
行 惆悵恨難平 愁坐對雲屏 算歸程 何時

携手洞邊迎訴衷情

鴛鴦交頸繡衣輕碧沼藕花馨隈藻荇映蘭汀和雨浴浮萍思婦對心驚夢想邊庭何時解珮掩雲屏訴衷情

應天長

平江波暖鴛鴦語兩兩釣舡歸極浦蘆洲一夜風和雨飛起淺沙翹雪鷺魚燈明遠渚蘭棹今宵何處羅袂從風輕舉秋心殺採蓮女

河滿子

紅粉樓前月照碧紗窗外鶯啼夢斷遼陽音信

那堪獨守空閨恨對百花時節王孫綠草萋萋

巫山一段雲

雨霽巫山上雲輕映碧天遠峯吹散又相連十二晚峯前暗濕啼猿樹高籠過客舡朝朝暮暮楚江邊幾度降神仙

臨江仙

暮蟬聲盡落斜陽銀蟾影挂瀟湘黃陵廟側水茫茫楚山紅樹煙雨隔高唐岸泊漁燈風颭碎白蘋遠散濃香靈娥鼓琴韻清商朱絃淒切雲散碧天長

臨江仙

牛學士希濟

峭碧參差十二峯
冷煙寒樹重重
瑤姬宮殿
是仙蹤
金鑪珠帳香靄晝偏濃
一自楚王
驚夢斷
人間無路相逢
至今雲雨帶秋容
月斜江上征棹動晨鐘

謝家仙觀寄雲岑
岩蘿拂地成陰
洞房不閉
白雲深
當時丹竈一粒化黃金
石壁霞衣
猶半挂
松風長似鳴琴
時聞唳鶴起前林
十洲高會何處許相尋
渭闕宮城秦樹凋
玉樓獨上無慘
含情不語

自吹簫調清和恨
天路逐風飄
何事乘龍
人忽降
似知深意相招
三清携手
路非遙
世間屏障彩筆畫
嬌饒
江繞黃陵春廟閑
嬌鶯獨語
關關滿庭重疊
綠苔班
陰雲無事四散
自歸山
簫鼓聲稀
香燼冷
月娥斂
盡彎環
風流皆道
勝人間
須知狂客判死爲紅顏

素洛春光潑艷平
千重媚臉初生
凌波羅襪
勢輕輕
煙籠日照珠翠半分明
風引寶衣
疑欲舞
鸞迴鳳者
羽堪驚
也知心許
恐無成
陳

王辭賦千載有聲名

柳帶搖風漢水濱
平蕪兩岸爭勻
鴛鴦對浴浪痕新
弄珠游女微笑自含春
輕步暗移蟬鬢動
羅裙風惹輕塵
水精宮殿豈無因
空勞纖手解珮贈情人

洞庭波浪颭晴天
君山一點凝煙
此中真境屬神仙
玉樓珠殿相映月輪邊
萬里平湖秋色冷
星辰垂影參然
橘林霜重更紅鮮
羅浮山下有路暗相連

酒泉子

枕轉簟涼清曉
遠鍾殘夢月光斜
簾影動舊鑪香
夢中說盡相思事
纖手勻雙淚
去年書今日意
斷離腸

生查子

春山煙欲收
天澹稀星小
殘月臉邊明
別淚臨清曉
語已多情未了
迴首猶重道
記得綠羅裙
處處憐芳草

中興樂

池塘暖碧浸晴暉
濛濛柳絮輕飛
紅蕊凋來醉夢還稀
春雲空有鴈歸珠簾垂
東風寂

一
莫恨郎拋擲淚濕羅衣

謁金門

秋已暮重疊關山歧路嘶馬搖鞭何處去曉
禽霜相滿樹夢斷禁城鍾鼓淚滴枕檀無數
一點凝紅和薄霧翠娥愁不語

浣溪沙

歐陽舍人 炯

落絮殘鶯半日天玉柔花醉只思眠惹窻映
竹滿爐煙獨掩畫屏愁不語斜欹瑤枕髻
鬟偏此時心在阿誰邊

天碧羅衣拂地垂美人初着更相宜宛風如

舞透香肌獨坐含嚔吹鳳竹園中緩步折
花枝有情無力泣人時

相見休言有淚珠酒闌重得叙歡娛鳳屏鴛
枕宿金鋪蘭麝細香聞喘息綺羅纖縷見
肌膚此時還恨薄情無


三字令

春欲盡日遲遲牡丹時羅幌卷翠簾垂彩牋
書紅粉淚兩心知人不在鸞空歸負佳期
香燼落枕函欹月分明花澹薄惹相思

花間集卷第五

花間集

卷五



國家圖書館, NATIONAL CENTRAL LIBRARY, TAIWAN, R.O.C.

花間集卷第六

五十一首

歐陽舍人炯十三首

南鄉子八首 獻衷心一首 賀明朝二首

江城子一首 鳳樓春一首

和學士凝二十首


小重山二首 臨江仙二首 菩薩蠻一首

山花子二首 河滿子二首 薄命女一首

望梅花一首 天仙子二首 春光好二首

採桑子一首 柳枝三首 漁父一首

顧太尉曼十八首



虞美人 六首 河傳 三首 甘州子 五首

玉樓春 四首

南鄉子

歐陽舍人炯

嫩草如煙石榴花發海南天日暮江亭春影
淥鴛鴦浴水遠山長看不足

盡舸停橈槿花籬外竹橫橋水上遊人沙上
女迴頤笑指芭蕉林裏住

岸遠沙平日斜歸路晚霞明孔雀自憐金翠
尾臨水認得行人驚不起

洞口誰家木蘭舸繫木蘭花紅袖女郎相引

去遊南浦笑倚春風相對語

二八花鈿曾前如雪臉如蓮耳墜金鐸穿瑟

瑟霞衣窄笑倚江頭招遠客

路入南中枕柳葉暗蓼花紅兩岸人家微雨

後收紅豆樹底纖纖擡素手

袖斂鮫綃採香深洞笑相邀藤杖枝頭蘆酒

滴鋪葵蓆豆蔻花間趁晚日

翡翠鳩鵲白蘋香裏小沙汀島上陰陰秋雨

色蘆花撲數隻漁舸何處宿

獻衷心

見好花顏色爭笑東風雙臉上晚粧同閑小
樓深閤春景重重三五夜偏有恨月明中
情未已信曾通滿衣猶自染檀紅恨不如雙
鷺飛舞簾櫳春欲暮殘絮盡柳條空

賀明朝

憶昔花間初識面紅袖半遮粧臉輕轉石榴
裙帶故將纖纖玉指偷撚雙鳳金線 碧梧
桐鎖深深院誰料得兩情何日教纏綰羨春
來雙鷺飛到玉樓朝暮相見
憶昔花間相見後只憑纖手暗拋紅豆人前

不解巧傳心事別來依舊辜負春晝 碧羅
衣上蹙金繡靚對對鴛鴦空裏淚痕透想韶
顏非久終是爲伊只恁偷瘦

江城子

晚日金陵岸艸平落霞明水無情六代繁華
暗逐逝波聲空有姑蘇臺上月如西子鏡照
江城

鳳樓春

鳳髻綠雲叢深掩房攏錦書通夢中相見覺
來慵勻面淚臉珠融因想玉郎何處去對淑

景誰同 小樓中春思無窮倚欄顚望閣牽
愁緒柳花飛起東風斜日照簾羅幌香冷粉
屏空海棠零落鶯語殘紅

小重山

和學士凝

春入神京萬木芳禁林鶯語滑蝶飛狂曉花
擎露妬啼粧紅日永風和百花香 煙鎖柳
絲長御溝澄碧水轉池塘時時微雨洗風光
天衢遠到處引笙篁
正是神京爛熳時群仙初折得却詵枝烏犀
白紵最相宜精神出御陌袖鞭垂 柳色展

愁眉管絃分響亮探花期光陰占斷曲江池
新榜上名姓徹丹墀

臨江仙

海棠香老春江晚小樓霧縠涇濛翠鬢初出
繡簾中麝煙鸞珮惹蘋風 碾玉釵搖鷓鴣
戰雪肌雲鬢將融含情遙指碧波東越王臺
殿蓼花紅

披袍窄地紅宮錦鶯語時嚙輕音碧羅冠子
穩犀簪鳳皇雙颺步搖金 肌骨細勻紅玉
軟臉波微送春心嬌羞不肯入鴛衾蘭膏光

裏兩情深

菩薩蠻

越梅半拆輕寒裏
冰清澹薄籠藍水
暖覺杏梢紅
遊絲狂惹風
閑堦莎徑碧
遠夢猶堪惜
離恨又迎春
相思難重陳

山花子

鶯錦蟬穀馥麝臍
輕裾花早曉烟迷
鷓鴣戰金紅掌
墜翠雲低
星靨笑隈霞
臉畔壓足金
開檐襯銀泥
春思半和芳草嫩
碧萋萋
銀字笙寒調正
長水紋簾冷
畫屏涼
玉腕重

金扼臂澹梳粧
幾度試香纖
手暖一迴嘗
酒絳脣光
佯弄紅絲繩
拂子打檀郎

河滿子

正是破瓜年
幾含情
慣得人饒
桃李精神鸚鵡舌
可堪虛度良宵
卻愛藍羅裙子
羨他長束纖腰

寫得魚牋無限
其如花鏤春輝
目斷巫山雲雨空
教殘夢依依
卻愛薰香小鴨
羨他長在屏幃

薄命女

天欲曉宮漏穿花聲繚繞
曉裏星光少冷霞
寒侵帳額殘月光沉樹杪
夢斷錦幃空悄悄
強起愁眉小

望梅花

春草全無消息
臘雪猶餘蹤跡
越嶺寒枝香
自拆冷艷奇芳
堪惜何事壽陽無處覓
吹入誰家橫笛

天仙子

柳色披衫金縷鳳
纖手輕拈紅豆
弄翠娥雙
臉正含情
桃花洞
瑤臺夢一片
春愁誰與共

洞口春紅飛蔌蔌
仙子含愁眉黛綠
阮郎何
事不歸來
懶燒金慵篆
玉流水
桃花空斷續

春光好

紗窗暖畫屏
開鞞雲鬢睡起
四肢無力
半春
間
玉指剪裁羅勝
金盤點綴蘇山
窺宋深
心無限
事小眉彎

蘋葉軟杏花明
畫舫輕雙浴鴛鴦
出淥汀
棹
歌聲
春水無風無浪
春天半雨半晴
紅粉
相隨南浦
晚幾含情

採桑子

螭蟾領上訶梨子繡帶雙垂椒戶閑時竟學
檇蒲賭荔枝 叢頭鞋子紅編細裙窳金絲
無事嘖眉春思翻教阿母疑

柳枝

軟碧搖煙似送人映花時把翠蛾嘖青青自
是風流主慢颺金絲待洛神
瑟瑟羅裙金縷腰黛眉隈破未重描醉來咬
損新花子拽住仙郎盡放嬌
鵲橋初就咽銀河今夜仙郎自姓和不是昔
年攀桂樹豈能月裏索姮娥

漁父

白芷汀寒立鷺鷥蘋風輕剪浪花時烟冪冪
日遲遲香引芙蓉惹釣絲

虞美人

顧太尉復

曉鶯啼破相思夢簾卷金泥鳳宿粧猶在酒
初醒翠翹慵整倚雲屏轉娉婷 香檀細畫
侵桃臉羅袂輕輕斂佳期堪恨再難尋綠蕪
滿院柳成陰負春心

觸簾風送景陽鍾鴛被繡花重曉幃初卷冷
煙濃翠勻粉黛好儀容思嬌慵 起來無語

理朝粧寶匣鏡凝光綠荷相倚滿池塘露清
枕簟藕花香恨悠悠揚

翠屏閑掩垂珠箔絲雨籠池閣露粘紅藕咽
清香謝娘嬌極不成狂罷朝粧 小金鷄鵝
沉煙細膩枕堆雲髻淺眉微斂炷檀輕舊懽
時有夢魂驚悔多情

碧梧桐映紗窻晚花謝鶯聲懶小屏屈曲掩
青山翠幃香粉玉爐寒兩蛾攢 顛狂少年
輕離別辜負春時節盡羅紅袂有啼痕魂銷
無語倚闥門欲黃昏

深閨春色勞思想恨共春蕪長黃鸝嬌嚀詎
芳妍杏枝如畫倚輕煙鏤窻前 凭欄愁立
雙蛾細柳影斜搖砌玉郎還是不還家教人
魂夢逐楊花繞天涯

少年艷質勝瓊英早晚別三清蓮冠穩綵鈿
篔簹橫飄飄羅袖碧雲輕畫難成 遲遲少轉
腰身裊翠靨眉心小醮壇風急杏花香此時
恨不駕鸞鳥白圭訪劉郎

河傳

鸞鴈晴景小窻屏暖鴛鴦交頸菱花掩却翠

鬢歛慵整海棠簾外影 繡幃香斷金鷄鶻
無消息心事空相憶東風春正濃憶愁紅淚
痕衣上重

曲檻春晚碧流紋細綠楊絲軟露花鮮杏枝
繁鶯轉野蕪平似剪 直是人間到天上堪
遊賞醉眼疑屏障對池塘惜韶光斷腸爲花
須盡狂

棹舉舟去波光渺渺不知何處岸花汀草共
依依雨微鷓鴣相逐飛 天涯離恨江聲咽
啼猿切此意向誰說倚蘭橈無慘魂銷小鑪

香欲焦

甘州子

一爐龍麝錦帷傍屏掩映燭熒煌禁樓刁斗
喜初長羅薦繡鴛鴦山枕上私語口脂香
每逢清夜與良辰多悵望足傷神雲迷水隔
意中人寂寞繡羅茵山枕上幾點淚痕新
曾如劉阮訪仙蹤深洞客此時逢綺筵散後
繡衾同款曲見韶容山枕上長是怯晨鍾
露桃花裏小樓深持玉盞聽瑤琴醉歸青瑣
入鴛衾月色照衣襟山枕上翠鈿鎖眉心

紅鑪深夜醉調笙鼓拍處玉纖輕小屏古畫
岸低平煙月滿閑庭山枕上燈背臉波橫

玉樓春

月照玉樓春漏促颯颯風搖庭砌竹夢驚鴛
被覺來時何處管絃聲斷續惆悵少年遊
冶去枕上兩蛾攢細綠曉鶯簾外語花枝背
帳猶殘紅蠟燭


柳映玉樓春日晚雨細風輕煙草軟畫堂鸚
鵡語雕籠金粉小屏猶半掩香滅繡幃人
寂寂倚檻無言愁思遠恨郎何處縱疎狂長

使含啼眉不展

月皎露華窻影細風送菊香粘繡袂博山爐
冷水沉微惆悵金閨終日閉懶展羅衾垂
玉淚羞對菱花簾寶髻良宵好事枉教休無
計那他狂耍婿

拂水雙飛來去鷺曲檻小屏山六扇
春愁凝思結眉心綠綺懶調紅錦薦
話別情多聲欲戰玉筋痕留紅粉面
鎮長獨立到黃昏却怕良宵頻夢見

花間集卷第六



國家圖書館, NATIONAL CENTRAL LIBRARY, TAIWAN, R.O.C.

花間集卷第七

五十首

顧太尉夔三十七首

浣溪沙八首 酒泉子七首 楊柳枝一首

遐方怨一首 獻衷心一首 應天長一首

訴衷情二首 荷葉盃九首 漁歌子一首

臨江仙三首 醉公子二首 更漏子一首

孫少監光憲三首

浣溪沙九首 河傳四首

浣溪沙

顧太尉夔

春色迷人恨正賒
可堪蕩子不還家
細風輕

露著梨花 簾外有情雙燕 鷓鴣檻前無力綠
楊斜小屏狂夢極天涯

紅藕香寒翠渚平 月籠虛閣夜蛩清 塞鴻驚
夢兩牽情 寶帳玉鑪殘 麝冷羅衣金縷暗
塵生小窻孤燭淚縱橫

荷芰風輕簾幕香 繡衣鸚鵡泳迴塘 小屏閑
掩舊瀟湘 恨入空幃鸞影獨 淚凝雙臉渚
蓮光薄 情年少 每思量

惆悵經年別謝娘 月窻花院好風光 此時相
望最情傷 青鳥不來傳錦字 瑤姬何處鑠

蘭房忍教魂夢兩茫茫

庭菊飄黃玉露濃 冷莎隈砌隱鳴蛩 何期良
夜得相逢 背帳風搖紅蠟滴 惹香暖夢繡
衾重 覺來枕上怯晨鍾

雲澹風高葉亂飛 小庭寒雨綠苔微 深閨人
靜掩屏幃 粉黛暗愁金帶枕 鴛鴦空繞畫
羅衣 那堪辜負不思歸

鴈響遙天玉漏清 小紗窻外月朧明 翠幃金
鴨炷香平 何處不歸音信斷 良宵空使夢
魂驚 簟涼枕冷不勝情

露白蟾明又到秋佳期幽會兩悠悠夢牽情
役幾時休 記得泥人微歛黛無言斜倚小
書樓暗思前事不勝愁

酒泉子

楊柳舞風輕惹春煙殘雨杏花愁鶯正語畫
樓東 錦屏寂寞思無窮還是不知消息鏡
塵生淚珠滴損儀容
羅帶縷金蘭麝煙凝魂斷畫屏歌雲鬢亂恨
難任 幾迴垂淚滴鴛衾薄情何處去登臨
窻花滿樹信沉沉

小檻日斜風度綠窻人悄悄翠幃閑掩舞雙
鸞舊香寒 別來情緒轉難判韶顏看却老
依稀粉上有啼痕暗銷魂

黛薄紅深約掠綠鬢雲膩小鴛鴦金翡翠稱
人心 錦鱗無處傳幽意海鷺蘭堂春又去
隔年書千點淚恨難任

掩却菱花收拾翠鈿休上面金虫玉鷺鑲香
奩恨耿耿 雲鬢半墜懶重簪淚侵山枕濕
銀燈背帳夢方酣鴈飛南

水碧風清入檻細香紅藕膩謝娘斂翠恨無

涯小屏斜 堪憎蕩子不還家 謾留羅帶結
帳深枕膩炷沉煙負當年

黛怨紅羞掩映畫堂春 欲暮殘花微雨隔青
樓思悠悠 芳菲時節看將度寂寞無人還
獨語畫羅襦香粉污不勝愁

楊柳枝

秋夜香閨思寂寥 漏迢迢 鴛幃羅幌麝煙銷
燭光搖 正憶玉郎遊蕩去無尋處 更聞簾
外雨蕭蕭 滴芭蕉

遐方怨

簾影細 篔簹紋平象紗籠 玉指縷金羅扇輕嫩
紅雙臉 似花明 兩條眉黛遠 山橫 鳳簫歇
鏡塵生 遼塞音書絕 夢魂長 暗驚玉郎經歲
負娉婷 教人爭不恨 無情

獻衷心

繡鴛鴦帳暖 盡孔雀屏歌 人悄悄 月明時想
昔年懽笑 恨今日分離 銀釭背銅漏 永阻佳
期 小樓煙細 虛閣簾垂 幾多心事 暗地思
惟被嬌娥 牽役魂夢 如癡金閨裏 山枕上始
應知

應天長

瑟瑟羅裙金線縷輕透鵝黃香盡袴垂交帶
盤鸚鵡裊裊翠翹移玉步 背人勻檀炷慢
轉橫波偷覷斂黛春情暗許倚屏慵不語

訴衷情

香滅簾垂春漏永整鴛衾羅帶重雙鳳縷黃
金窻外月光臨沉沉斷腸無處尋負春心
永夜拋人何處去絕來音香閣掩眉斂月將
沉爭忍不相尋怨孤衾換我心爲你心始知
相憶深

荷葉盃

春盡小庭花落寂寞凭檻斂雙眉忍教成病
憶佳期知摩知知摩知

歌發誰家筵上寥亮別恨正悠悠蘭釭背帳
月當樓愁摩愁愁摩愁

弱柳好花盡拆晴陌陌上少年郎滿身蘭麝
撲人香狂摩狂狂摩狂

記得那時相見膽戰鬚亂四肢柔泥人無語
不擡頭羞摩羞羞摩羞

夜久歌聲怨咽殘月菊冷露微微看看濕透

縷金衣歸摩歸歸摩歸

我憶君詩最苦知否字字盡關心紅牋寫寄
表情深吟摩吟吟摩吟

金鴨香濃鴛鴦被枕膩小髻簇花鈿腰如細柳
臉如蓮憐摩憐憐摩憐

曲砌蝶飛煙暖春半花發柳垂條花如雙臉
柳如腰嬌摩嬌嬌摩嬌

一去又乖期信春盡滿院長莓苔手按裙帶
獨徘徊來摩來來摩來

漁歌子

曉風清幽沼綠倚欄凝望玳禽浴畫簾垂翠
屏曲滿袖荷香馥郁好攄懷堪寓目身閑
心靜平生足酒盃深光影促名利無心較逐

臨江仙

碧染長空池似鏡倚樓閑望凝情滿衣紅藕
細香清象床玳簟山障掩玉琴橫暗想昔
時歡笑事如今贏得愁生博山鑪暖澹煙輕
蟬吟人靜殘日傍小窗明

幽閨小檻春光晚柳濃花淡鶯稀舊歡思想
尚依依翠頰紅斂終日損芳菲何事狂夫

音信斷不如梁鷺猶歸盡堂深處麝煙微屏
虛枕冷風細雨霏霏

月色穿簾風入竹倚屏雙黛愁時砌花含露
兩三枝如啼恨臉魂斷損容儀 香燼暗銷
金鴨冷可堪辜負前期繡襦不整整鬢髮歌幾
多惆悵情緒在天涯

醉公子

漠漠秋雲澹紅藕香侵檻枕倚小山屏金鋪
向晚扃 睡起橫波慢獨望情何限衰柳數
聲蟬魂銷似去年

岸柳垂金線雨晴鶯百轉家住綠楊邊往來
多少年 馬嘶芳草遠高樓簾半捲斂袖翠
蛾攢相逢爾許難

更漏子

舊歡娛新悵望擁臯含頰樓上濃柳翠晚霞
微江鷗接翼飛 簾半捲屏斜掩遠岫參差
迷眼歌滿耳酒盈罇前非不要論

浣溪沙

孫少監光憲

暮岸風多橘柚香江邊一望楚天長片帆煙
際閃孤光 目送征鴻飛杳杳思隨流水去

茫茫蘭紅波碧憶瀟湘

桃杏風香簾幕閑謝家門戶約花關盡梁幽
語鶯初還繡閣數行題了壁曉屏一枕酒
醒山却疑身是夢魂間

花漸凋疎不耐風畫簾垂地晚堂空墮階縈
蘚舞愁紅膩粉半粘金壓子殘香猶暖繡
薰籠蕙心無處與人同

攬鏡無言淚欲流凝情半日懶梳頭一庭疎
雨濕春愁楊柳祇知傷怨別杏花應信損
嬌羞淚沾魂斷軫離憂

半踏長裾宛約行晚簾疎處見分明此時堪
恨昧平生早是銷魂殘燭影更愁聞着品
絃聲杳無消息若爲情

蘭沐初休曲檻前暖風遲日洗頭天濕雲新
斂未梳蟬翠袂半將遮粉臆寶釵長欲墜
香肩此時模樣不禁憐

風遞殘香出繡簾團窠金鳳舞檐檐落花微
雨恨相兼何處去來狂太甚空推宿酒睡
無獸爭教人不別猜嫌

輕打銀箏墜鶯泥斷絲高罨畫樓西花冠閑

上午墻啼 粉籜半開新竹逕紅苞盡落舊
桃蹊不堪終日閉深閨
烏帽斜歌倒佩魚靜街偷步訪仙居隔墻應
認打門初 將見客時微掩斂得人憐處且
生疎低頭羞問壁邊書

河傳

太平天子等閑遊戲疏河千里柳如絲隈倚
淥波春水長淮風不起 如花殿脚三千女
爭雲雨何處留人住錦帆風煙際紅燒空魂
迷大業中

柳拖金縷着煙籠霧濛濛落絮鳳皇舟上楚
女妙舞雷喧波上鼓 龍爭虎戰分中土人
無主桃葉江南渡襞花牋艷思牽成篇宮娥
相與傳

花落煙薄謝家池閣寂寞春深翠蛾輕斂意
沉吟沾襟無人知此心 玉鑪香斷霜灰冷
簾鋪影梁燕歸紅杏晚來天空悄然孤眠
枕檀雲鬢偏

風颭波斂團荷閃閃珠傾露點木蘭舟上何
處吳娃越艷藕花紅照臉 大堤狂殺襄陽

客煙波隔渺渺湖光白身已歸心不歸斜暉
遠汀鷓鴣飛

花間集卷第七



花間集卷第八

四十九首

孫少監光憲四十七首

菩薩蠻 五首

河瀆神 二首 虞美人 二首

後庭花 二首

生查子 三首 臨江仙 二首

酒泉子 三首

清平樂 二首 更漏子 二首

女冠子 二首

風流子 三首 定西番 二首

河滿子 一首

玉胡蝶 一首 八拍蠻 一首

竹枝 一首

思帝鄉 一首 上行盃 二首

謁金門 一首

思越人 二首 楊柳枝 四首

望梅花 一首

漁歌子 二首



魏太尉

承班二首

菩薩蠻 二首

菩薩蠻

孫少監 光憲

月華如水籠香砌金鑲碎撼門初閉寒影墮
高簷鈎垂一面簾 碧煙輕裊裊紅戰燈花
笑即此是高唐掩屏秋夢長
花冠頻鼓墻頭翼東方澹白連窻色門外早
鶯聲背樓殘月明 薄寒籠醉態依舊鈿華
在握手送人歸半拖金縷衣
小庭花落無人掃疎香滿地東風老春晚信

沉沉天涯何處尋 曉堂屏六扇眉共湘山
遠爭那別離心近來尤不禁

青巖碧洞經朝雨隔花相喚南溪去一隻木
蘭舡波平遠浸天 扣舡驚鷺翡翠嫩玉擡香
臂紅日欲沉西煙中遙解鰲

木綿花映叢祠小越禽聲裏春光曉銅鼓與
蠻歌南人祈賽多 客帆風正急茜袖隈墻
立極浦幾迴頭煙波無限愁

河瀆神

汾水碧依依黃雲落葉初飛翠蛾一去不言

歸廟門空掩斜暉 四壁陰森排古畫依舊
瓊輪羽駕小殿沉沉清夜銀燈飄落香燭
江上草芊芊春晚湘妃廟前一方柳色楚南
天數行斜鴈聯翩 獨倚朱欄情不極魂斷
終朝相憶兩漿不知消息遠汀時起鷓鴣

虞美人

紅窓寂寂無人語暗澹梨花雨繡羅紋地粉
新描博山香炷旋抽條睡魂銷 天涯一去
無消息終日長相憶交人相憶幾時休不堪
振觸別離愁淚還流

好風微揭簾旌起金翼鸞相倚翠簷愁聽乳
禽聲此時春態暗闌情獨難平 畫堂流水
空相翳一穗香搖曳交人無處寄相思落花
芳艸過前期没人知

後庭花

景陽鍾動宮鶯囀露涼金殿輕颺吹起瓊花
綻玉葉如剪 晚來高閣上珠簾卷見墜香
千片脩蛾慢臉陪雕輦後庭新宴

石城依舊空江國故宮春色七尺青絲芳草
綠絕世難得 玉英凋落盡更何人識野棠

如織只是教人添怨憶，悵望無極。

生查子

寂寞掩朱門，正是天將暮。暗澹小庭中，滴滴梧桐雨。繡工夫，牽心緒。配盡鴛鴦，縷待得，没人時，隈倚論私語。

暖日策花驄，鞚垂楊陌。芳草惹煙青，落絮隨風白。誰家繡轂動，香塵隱映。神仙客，狂殺玉鞭郎。咫尺音容隔。

金井墮高梧，玉殿籠斜月。永巷寂無人，斂態愁堪絕。玉爐寒，香燼滅。還似君恩，歇翠輦。

不歸來，幽恨將誰說。

臨江仙

霜拍井梧乾，葉墮翠幃。雕檻初寒薄，鈿殘黛
稱花冠，含情無語。延佇倚欄干。杳杳征輪
何處去，離愁別恨，千般不堪。心緒正多端。鏡
奩長掩，無意對孤鸞。

暮雨淒淒，深院閉燈前。凝坐初更，玉釵低壓
鬢雲橫，半垂羅幕。相映燭光明。終是有心
投漢珮，低頭但理秦箏。雙鸞耦不勝情。只
愁明發，將逐楚雲行。

酒泉子

空磧無邊萬里陽關道路馬蕭蕭人去去隴
雲愁 香貂舊製戎衣窄胡霜千里白綺羅
心魂夢隔上高樓

曲檻小樓正是鶯花二月思無慄愁欲絕鬱
離襟 展屏空對瀟湘水眼前千萬里淚掩
紅眉斂翠恨沉沉

斂態窻前裊裊雀釵拋頸鷺成雙鸞對影耦
新知 玉纖澹拂眉山小鏡中嗔共照翠連
娟紅縹緲早粧時

清平樂

愁腸欲斷正是青春半連理分枝鸞失伴又
是一場離散 掩鏡無語眉低思隨芳艸淒
淒憑使東風吹夢與郎終日東西

等閑無語春恨如何去終是疎狂留不住花
暗柳濃何處 盡日目斷魂飛晚窻斜界殘
暉長恨朱門薄暮繡鞍驄馬空歸

更漏子

聽寒更聞遠鴈半夜蕭娘深院扃繡戶下珠
簾滿庭噴玉蟾 人語靜香閨冷紅幕半垂

清影雲雨態蕙蘭心此情江海深
今夜期來日別相對祇堪愁絕隈粉面撚瑤
簪無言淚滿襟銀箭落霜華薄墻外曉鷄
唧唧聽付囑惡情悰斷腸西復東

女冠子

蕙風芝露壇際殘香輕度蕊珠宮苔點分圓
碧桃花踐破紅品流巫峽外名籍紫微中
真侶墉城會夢魂通

澹花瘦玉依約神仙粧束佩瓊文瑞露通宵
貯幽香盡日焚碧紗籠絳節黃藕冠濃雲

勿以吹簫伴不同群

風流子

茅舍槿籬溪曲雞犬自南自北菰葉長水荇
開門外春波漲綠聽織聲促軋軋鳴梭穿屋
樓倚長衢欲暮瞥見神仙伴侶微傅粉權梳
頭隱映畫簾開處無語無緒慢曳羅裙歸去
金絡玉銜嘶馬繫向綠楊陰下朱戶掩繡簾
垂曲院水流花謝歡罷歸也猶在九衢深夜

定西番

鷄祿山前遊騎邊草白朔天明馬蹄輕鵲面

弓離短鬢彎來月欲成一隻鳴髀雲外曉鴻驚
帝子枕前秋夜霜幄冷月華明正三更 何處
戍樓寒笛夢殘聞一聲遙想漢關萬里淚縱橫
何滿子

玉胡蝶

冠劍不隨君去江河還共恩深歌袖半遮眉
黛慘淚珠旋滴衣襟惆悵雲愁雨怨斷魂何
處相尋

春欲盡景仍長滿園花正黃粉翅兩悠颺翩
翩過短墻 鮮飈暖牽遊伴飛去立殘芳無

語對蕭娘舞衫沉麝香

八拍蠻

孔雀尾拖金線長怕人飛起入丁香越女沙
頭爭拾翠相呼歸去背斜陽

竹枝

門前春水榭白蘋花兒岸上無人榭小艇斜兒
商女經過榭江欲暮兒散拋殘食枝飼神鷗兒
亂繩千結榭絆人深兒越羅萬丈榭表長尋兒
楊柳在身榭垂意緒兒藕花落盡枝見蓮心兒

思帝鄉

如何遣情情更多
永日水堂簾下斂
羞蛾六幅羅裙
窄地微行曳碧波
看盡滿池疎雨
打團荷

上行盃

草草離亭鞍馬從
遠道此地分衿
燕宋秦吳千萬
里無辭一醉野棠
開江州濕佇立沾
泣征騎駸駸

離棹逡巡欲動
臨極浦故人相送
去住心情知不共
金舡滿捧綺羅愁
絲管咽迴別帆影
滅江浪如雪

謁金門

留不得留得也
應無益白紵春衫
如雪色揚州初去
日輕別離甘拋擲
江上滿帆風疾却
羨綵鴛鴦三十六
孤鸞鴛鴦還一隻

思越人

古臺平芳艸遠
館娃宮外春深翠
黛空留千載恨
教人何處相尋綺
羅無復當時事
露花點滴香淚惆
悵遙天橫淥水
鴛鴦對對飛起

渚蓮枯宮樹老
長洲廢苑蕭條
想像玉人空處
所月明獨上溪
橋經春初敗秋
風起紅

蘭綠蕙愁死一片風流傷心地魂銷目斷
西子

楊柳枝

閨門風暖落花乾飛遍江城雪不寒獨有晚
來臨水驛閑人多凭赤欄干
有池有榭即濛濛浸潤翻成長養功恰似有
人長點檢着行排立向春風
根柢雖然傍濁河無妨終日近笙歌驟驟金
帶誰堪比還共黃鶯不校多
萬株枯槁怨亡隋似弔吳臺各自垂好是淮

陰明月裏酒樓橫笛不勝吹

望梅花

數枝開與短堦平見雪萼紅跗相映引起誰
人邊塞情 簾外欲三更吹斷離愁月正明
空聽隔江聲

漁歌子

草芊芊波漾漾湖邊艸色連波漲
泂蒹岸泊 楓汀天際玉輪初上
扣舷歌聯極望槳聲 伊軋知何向
黃鵠叫白鷗眠誰似儂家疎曠
泛流螢明又滅夜涼水冷東灣闊
風浩浩笛

寥寥萬頃金波澄澈 杜若洲香郁烈一聲宿
鴈霜時節經雪水過松江盡屬儂家日月

菩薩蠻

魏太尉 承斑

羅裾薄薄秋波染眉間盡時山兩點相見綺
筵時深情暗共知 翠翹雲鬢動斂能彈金
鳳宴罷入蘭房邀人解珮璫

羅衣隱約金泥畫玳筵一曲當秋夜聲顫覩
人嬌雲鬢裊翠翹 酒醺紅玉軟眉翠秋山
遠繡幌麝煙沉誰人知兩心
花間集卷第八

花間集卷第九

四十九首

魏太尉承班十三首

滿宮花一首 木蘭花一首 玉樓春二首

訴衷情五首 生查子二首 黃鍾樂一首

漁歌子一首

鹿太保度康六首

臨江仙二首 女冠子二首 思越人一首

虞美人一首

閻處士選八首

虞美人二首 臨江仙二首 浣溪沙一首



八拍蠻二首 河傳一首

尹叅卿六首

臨江仙二首 滿宮花一首 杏園芳一首

醉公子一首 菩薩蠻一首

毛祕書十六首

浣溪沙七首 臨江仙二首 更漏子二首

女冠子二首 清平樂一首 南歌子二首

滿宮花 魏太尉承斑

雪霏霏風凜凜玉郎何處狂飲醉時想得縱
風流羅帳香幃鴛鴦寢 春朝秋夜思君甚愁

見繡屏孤枕少年何事負初心淚滴縷金雙袵

木蘭花

小芙蓉香旖旎碧玉堂深清似水閉寶匣掩
金鋪倚屏拖袖愁如醉 遲遲好景煙花媚
曲渚鴛鴦眠錦翅凝然愁望靜相思一雙笑
厭啣香蕊

玉樓春

寂寂畫堂梁上鷺高卷翠簾橫數扇一庭春
色惱人來滿地落花紅幾片 愁倚錦屏低
雪面淚滴繡羅金縷線好天涼月盡傷心爲

是玉郎長不見

輕斂翠蛾呈皓齒鶯轉一枝花影裏聲聲清
迥過行雲寂寂盡梁塵暗起 玉笋滿斟情
未已促坐王孫公子醉春風筵上貫珠勻艷
色韶顏嬌旖旎

訴衷情

高歌宴罷月初盈詩情引恨情煙露冷水流
輕思想夢難成 羅帳裊香平恨頻生思君
無計睡還醒隔層城
春深花簇小樓臺風飄錦繡開新睡覺步香

堦山枕印紅腮

鬢亂墜金釵語檀隈臨行

執手重重囑幾千迴

銀漢雲晴玉漏長蛩聲悄畫堂香筠冷碧牕
涼紅蠟淚飄香 皓月瀉寒光割人腸那堪
獨自步池塘對鴛鴦

金風輕透碧窻紗銀釭焰影斜欹枕卧恨何
賒山掩小屏霞 雲雨別吳娃想容華夢成
幾度遶天涯到君家

春情滿眼臉紅綃嬌妬索人饒星靨小玉璫
搖幾共醉春朝 別後憶纖腰夢魂勞如今

風葉又蕭蕭恨迢迢

生查子

煙雨晚晴天零落花無語難話此時心梁鷺
雙來去 琴韻對薰風有恨和情撫腸斷斷
絃頻淚滴黃金縷

寂寞畫堂空深夜垂羅幕燈暗錦屏欹月冷
珠簾薄 愁恨夢應成何處貪歡樂看看又
春來還是長蕭索

黃鍾樂

池塘煙暖草萋萋惆悵閑宵含恨愁坐思堪

迷遙想玉人情事遠音容渾似隔桃溪 偏
記同歡秋月低簾外論心花畔和醉暗相携
何事春來君不見夢魂長在錦江西

漁歌子

柳如眉雲似髮蛟綃霧縠籠香雪夢魂驚鍾
漏歇窗外曉鶯殘月 幾多情無處說落花
飛絮清明節少年郎容易別一去音書斷絕

臨江仙

鹿太保 虔扈

金鑰重門荒苑靜綺窗愁對秋空翠華一去
寂無蹤玉樓歌吹聲斷已隨風 煙月不知

人事改夜闌還照深宮藕花相向野塘中暗
傷亡國清露泣香紅

無賴曉鶯驚夢斷起來殘醉初醒映窓絲柳
裊煙青翠簾慵卷約砌杏花零 一自玉郎
遊冶去蓮凋月慘儀形暮天微雨灑閑庭手
按裙帶無語倚雲屏

女冠子

鳳樓琪樹惆悵劉郎一去正春深洞裏愁空
結人間信莫尋 竹疎齋殿迥松密醮壇陰
倚雲低首望可知心

步虛壇上絳節霓旌相向引真仙玉珮搖蟾
影金爐裊麝煙 露濃霜簡濕風緊羽衣偏
欲留難得住却歸天

思越人

翠屏歌銀燭背漏殘清夜迢迢雙帶繡窠盤
錦薦淚侵花暗香銷 珊瑚枕膩鴉鬟亂玉
纖慵整雲散若是適來新夢見離腸爭不干斷

虞美人

卷荷香澹浮煙渚綠嫩擎新雨璫窻疎透曉
風清象床玳簟冷光輕水紋平 九疑黛色

屏斜掩枕上眉心斂不堪相望病將成
鈿昏檀粉淚縱橫不勝情

虞美人

閩處士選

粉融紅膩蓮房綻臉動雙波慢小魚銜玉鬢
釵橫石榴裙染象紗輕轉娉婷偷期錦浪
荷深處一夢雲兼雨臂留檀印齒痕香深秋
不寐漏初長盡思量

楚腰蟻領團香玉鬢疊深深綠月蛾星眼笑
微頻柳天桃艷不勝春晚粧勻水紋簞映
青紗帳霧罩秋波上一枝嬌卧醉芙蓉良宵

不得與君同恨忡忡

臨江仙

雨停荷芰逗濃香岸邊蟬噪垂楊物華空有
舊池塘不逢仙子何處夢襄王玳簞對歌
鴛枕冷此來塵暗淒涼欲憑危檻恨偏長藕
花珠綴猶似汗凝粧
十二高峯天外寒竹梢輕拂仙壇寶衣行雨
在雲端畫簾深殿香霧冷風殘欲問楚王
何處去翠屏猶掩金鸞猿啼明月照空灘孤
舟行客驚夢亦艱難

浣沙溪

寂寞流蘇冷繡茵倚屏山枕惹香塵小庭花
露泣濃春 劉阮信非仙洞客常娥終是月
中人此生無路訪東鄰

八拍蠻

雲鎖嫩黃煙柳細風吹紅蒂雪梅殘光影不
勝閨閣恨行行坐坐黛眉攢
愁鎖黛眉煙易慘淚飄紅臉粉難勻憔悴不
知緣底事遇人推道不宜春

河傳

秋雨秋雨無晝無夜滴滴霏霏暗燈涼簟怨
分離妖姬不勝悲 西風稍急喧窻竹停又
續膩臉懸雙玉幾迴邀約鴈來時違期鴈歸
人不歸

臨江仙

尹叅卿鶚

一番荷芰生池沼檻前風送馨香昔年於此
伴蕭娘相隈佇立牽惹敘衷腸 時逞笑容
無限態還如菡萏爭芳別來虛遣思悠颺慵
窺往事金鎖小蘭房

深秋寒夜銀河靜月明深夜中庭西窻幽夢

等閑成逡巡覺後特地恨難平
紅燭半條殘焰短依稀暗背銀屏枕前何事最傷情
梧桐葉上點點露珠零

滿宮花

月沉沉人悄悄一炷後庭香
裊風流帝子不歸來滿地禁花慵掃
離恨多相見少何處醉迷三島
漏清宮樹子規啼愁鎖碧窻春曉

杏園芳

嚴粧嫩臉花明
交人見了關情含羞舉步越羅輕稱娉婷
終朝咫尺窺香閣迢遙似隔

層城何時休遣夢相縈入雲屏

醉公子

暮煙籠蘚砌戟門猶未閉
盡日醉尋春歸來月滿身
離鞍隈繡袂墜巾花亂綴
何處惱佳人檀痕衣上新

菩薩蠻

隴雲暗合秋天白
俯窻獨坐窺煙陌
樓際角重吹黃昏方醉歸
荒唐難共語明日還應去上馬出門時
金鞭莫與伊

浣沙溪

毛祕書 熙震

春暮黃鶯下砌前水精簾影露珠懸綺霞低
映晚晴天 弱柳萬條垂翠帶殘紅滿地碎
香鈿蕙風飄蕩散輕煙

花榭香紅煙景迷滿庭芳艸綠萋萋金鋪閉
掩繡簾低 紫鷺一雙嬌語碎翠屏十二晚
峯齊夢魂銷散醉空閨

晚起紅房醉欲銷綠鬟雲散裊金翹雪香花
語不勝嬌 好是向人柔弱處玉纖時急繡
裙腰春心牽惹轉無憀

一隻橫釵墜髻叢靜眠玳簟起來慵繡羅紅

嫩抹蘇眉 羞斂細蛾魂暗斷因迷無語思
猶濃小屏香靄碧山重

雲薄羅裙綬帶長滿身新裊瑞龍香翠鈿斜
映艷梅妝 佯不覩人空婉約笑和嬌語太
猖狂忍教牽恨暗形相

碧玉冠輕裊鷺釵捧心無語步香堦緩移弓
底繡羅鞋 暗想歡娛何計好豈堪期約有
時乖日高深院正忘懷

半醉凝情卧繡茵睡容無力卸羅裙玉籠鸚
鵡獸聽聞 慵整落釵金翡翠象梳欹鬢月

生雲錦屏綃幌麝煙薰

臨江仙

南齊天子寵嬋娟六宮羅綺三千潘妃嬌艷
獨芳妍椒房蘭洞雲雨降神仙縱態迷歡
心不足風流可惜當年纖腰婉約步金蓮妖
君傾國猶自至今傳

幽閨欲曙聞鶯轉紅窻月影微明好風頻謝
落花聲隔幃殘燭猶照綺屏箏繡被錦茵
眠玉暖炷香斜裊煙輕澹蛾羞斂不勝情暗
思閑夢何處逐雲行

更漏子

秋色清河影澹深戶燭寒光暗綃幌碧錦衾
紅博山香炷融更漏咽蛩鳴切滿院霜華
如雪新月上薄雲收映簾懸玉鉤
煙月寒秋夜靜漏轉金壺初永羅幕下繡屏
空燈花結碎紅人悄悄愁無了思夢不成
難曉長憶得與郎期竊香私語時

女冠子

碧桃紅杏遲日媚籠光影綵霞深香暖薰鶯
語風清引鶴音翠鬢冠玉葉霓袖捧瑤琴

應共吹簫侶暗相尋
脩蛾慢臉不語檀心一點小山粧蟬鬢低含
綠羅衣澹拂黃 悶來深院裏閑步落花傍
纖手輕輕整玉鑪香

清平樂


春光欲暮寂寞閑庭戶粉蝶雙雙穿檻舞簾
捲晚天疎雨 含愁獨倚閨幃玉鑪煙斷香
微正是銷魂時節東風滿樹花飛

南歌子

遠山愁黛碧橫波慢臉明膩香紅玉茜羅輕

深院晚堂人靜理銀箏 鬢動行雲影裙遮
點屐聲嬌羞愛問曲中名楊柳杏花時節幾
多情
惹恨還添恨牽腸即斷腸凝情不語一枝芳
獨映盡簾閑立繡衣香 暗想爲雲女應憐
傳粉郎晚來輕步出閨房鬢慢釵橫無力縱
猖狂

花間集卷第九



國家圖書館, NATIONAL CENTRAL LIBRARY, TAIWAN, R.O.C.

九

二

花間集卷第十

五十首

毛祕書熙震
十三首

河滿子二首 小重山一首 定西番一首

木蘭花一首 後庭花三首 酒泉子二首

菩薩蠻三首

李秀才珣
三十七首

浣溪沙四首 漁歌子四首 巫山一段雲二首

臨江仙二首 南鄉子十首 女冠子二首

酒泉子四首 望遠行二首 菩薩蠻三首

西溪子一首 虞美人一首 河傳二首



河滿子

毛祕書 熙震

寂寞芳菲暗度歲華如箭堪驚
緬想舊歡多少事轉添春思難平
曲檻絲垂金柳小窻絃斷銀箏
深院空聞鶯語滿園閑落花輕一
片相思休不得忍教長日愁生誰見
夕陽孤夢覺來無限傷情

無語殘粧澹薄含羞鞞袂輕盈
幾度香闥眠曉綺窻踈日微明
雲母帳中偷惜水精枕上初驚
笑靨嫩疑花坼愁眉翠斂山橫
相望只教添悵恨整髮時見纖瓊
獨倚朱扉閑立

誰知別有深情

小重山

梁鸞雙飛盡閣前寂寥多少恨
懶孤眠曉來閑處想君憐
紅羅帳金鴨冷沉煙
誰信損嬋娟倚屏啼玉筯
濕香鈿四支無力上鞦韆
群花謝愁對艷陽天

定西番

蒼翠濃陰滿院鶯對語蝶交飛
戲薔薇斜日倚欄風好餘香出
繡衣未得玉郎消息幾時歸

木蘭花

掩朱扉鈎翠箔滿院鶯聲春寂寞勻粉淚恨
檀郎一去不歸花又落對斜暉臨小閣前事
豈堪重想着金帶冷畫屏幽寶帳慵薰蘭麝薄

後庭花

鶯啼鶯語芳菲節瑞庭花發昔時懽宴歌聲
揭管絃清越自從陵谷追遊歇畫梁塵蹶
傷心一片如珪月閑鎖宮闕

輕盈舞妓含芳艷競粧新臉步搖珠翠脩蛾
斂膩髮雲染歌聲慢發開檀點繡衫斜掩
時將纖手勻紅臉笑拈金厭盞

越羅小袖新香積薄籠金釧倚欄無語搖輕
扇半遮勻面春殘日暖鶯嬌懶滿庭花片
爭不教人長相見畫堂深院

酒泉子

閑卧繡幃慵想萬般情寵錦檀偏翹股重翠
雲歌暮天屏上春山碧映香煙霧隔蕙蘭
心魂夢役斂蛾眉

鈿匣舞鸞隱映艷紅脩碧月梳斜雲鬢膩粉
香寒曉花微斂輕呵展裊釵金鸞軟日初
昇簾半掩對殘粧

菩薩蠻

梨花滿院飄香雪，高樓夜靜風箏咽。斜月照
簾帷，憶君和夢稀。小窗燈影背，鶯語驚愁
態。屏掩斷香飛，行雲山外歸。
繡簾高軸臨塘看，雨翻荷葉真珠散。殘暑晚
初涼，輕風渡水香。無慙悲往事，爭那牽情
思。光影暗相催，等閑秋又來。
天含殘碧融春色，五陵薄倖無消息。盡日掩
朱門，離愁暗斷魂。鶯啼芳樹暖，鷺拂迴塘
滿。寂寞對屏山，相思醉夢間。

浣沙溪

李秀才珣

入夏偏宜澹薄粧，越羅衣褪鬱金香。翠鈿檀
注助容光。相見無言還有恨，幾迴判却又
思量。月窻香逕夢悠颺。

晚出閑庭看海棠，風流學得內家粧。小釵橫
戴一枝芳。鏤玉梳斜雲鬢膩，縷金衣透雪
肌香。暗思何事立殘陽。
訪舊傷離欲斷魂，無因重見玉樓人。六街微
雨鏤香塵。早爲不逢巫峽夢，那堪虛度錦
江春。遇花傾酒莫辭頻。

紅藕花香到檻頻，
可堪閑憶似花人。
舊歡如夢絕音塵。
翠壘畫屏山隱隱，
冷鋪紋簟水潏潏。
斷魂何處一蟬新。

漁歌子

楚山青，湘水綠，
春風澹蕩看不足。
草芊芊，花簇簇，
漁艇棹歌相續。
信浮沉，無管束，
釣廻乘月歸灣曲。
酒盈樽，雲滿屋，
不見人間榮辱。
荻花秋，瀟湘夜，
橘洲佳景如屏畫。
碧煙中，明月下，
小艇垂綸初罷。
水爲鄉，蓬作舍，
魚羹稻飯常飡也。
酒盈杯，書滿架，
名利不將心挂。

柳垂絲，花滿樹，
鶯啼楚岸春山暮。
棹輕舟，出深浦，
緩唱漁歌歸去。
罷垂綸，還酌醕，
孤村遙指雲遮處。
下長汀，臨淺渡，
驚起一行沙鷺。
九疑山，三湘水，
蘆花時節秋風起。
水雲間，山月裏，
棹月穿雲遊戲。
鼓清琴，傾綠蟻，
扁舟自得逍遙志。
任東西，無定止，
不議人間醒醉。

巫山一段雲

有客經巫峽，
停橈向水湄。
楚王曾此夢瑤姬，
一夢杳無期。
塵暗珠簾卷，
香銷翠幄垂。
西風迴首不勝悲，
暮雨灑空祠。

古廟依青嶂行宮枕碧流水聲山色鎖粧樓
往事思悠悠雲雨朝還暮煙花春復秋啼
猿何必近孤舟行客自多愁

臨江仙

簾捲池心小閣虛暫涼閑步徐徐芰荷經雨
半凋踈拂堤垂柳蟬噪夕陽餘不語低鬟
幽思遠玉釵斜墜雙魚幾迴偷看寄來書離
情別恨相隔欲何如

鶯報簾前暖日紅玉鑪殘麝猶濃起來閨思
尚踈慵別愁春夢誰解此情悰強整嬌姿

臨寶鏡小池一朵芙蓉舊歡無處再尋蹤更
堪迴願屏盡九疑峯

南鄉子

煙漠漠雨淒淒岸花零落鷓鴣啼遠客扁舟
臨野渡思鄉處潮退水平春色暮

蘭棹舉水紋開競携藤籠採蓮來迴塘深處
遙相見邀同宴淥酒一卮紅上面

歸路近扣舷歌採真珠處水風多曲岸小橋
山月過煙深鐮荳蔻花垂千萬朵
乘綵舫過蓮塘棹歌驚起睡鴛鴦帶香遊女

隈伴笑窈窕競折團荷遮晚照

傾綠蟻泛紅螺閑邀女伴簇笙歌避暑信舡
輕浪裏遊戲夾岸荔枝紅蘸水

雲帶雨浪迎風釣翁迴棹碧灣中春酒香熟
鱸魚美誰同醉纜却扁舟蓬底睡

沙月靜水煙輕芰荷香裏夜舡行綠鬢紅臉
誰家女遙相顧緩唱棹歌極浦去

漁市散渡舡稀越南雲樹望中微行客待潮
天欲暮送春浦愁聽猩猩啼瘴雨

攏雲髻背犀梳焦紅衫映綠羅裾越王臺下

春風暖花盈岸遊賞每邀隣女伴

相見處晚晴天刺桐花下越臺前暗裏迴眸
深屬意遺雙翠騎象背人先過水

女冠子

星高月午丹桂青松深處醮壇開金磬敲清
露珠幢立翠苔步虛聲縹緲想像思徘徊
曉天歸去路指蓬萊

春山夜靜愁聞洞天踈磬玉堂虛細霧垂珠
珮輕煙曳翠裾對花情脉脉望月步徐徐
劉阮今何處絕來書

酒泉子

寂寞青樓風觸繡簾珠翠撼月朦朧花暗澹
鎖春愁 尋思往事依稀夢淚臉露桃紅色
重鬢歌蟬釵隊鳳思悠悠

雨清花零紅散香凋池兩岸別情遙春歌斷
掩銀屏 孤帆早晚離三楚閑理鈿箏愁幾
許曲中情絃上語不堪聽

秋雨聯綿聲散敗荷叢裏那堪深夜枕前聽
酒初醒 牽愁惹思更無停燭暗香凝天欲
曉細和煙冷和雨透簾中

秋月嬋娟皎潔碧紗窻外照花穿竹冷沉沉
印池心 凝露滴砌蛩吟驚覺謝娘殘夢夜
深斜傍枕前來影徘徊

望遠行

春日遲遲思寂寥行客關山路遙瓊窻時聽
語鶯嬌柳絲牽恨一條條 休暈繡罷吹簫
貌逐殘花暗凋同心猶結舊裙腰忍辜風月
度良宵

露滴幽庭落葉時愁聚蕭娘柳眉玉郎一去
負佳期水雲迢遞鴈書遲 屏半掩枕斜欹

蠟淚無言對垂吟蛩斷續漏頻移入窻明月
鑒空帷

菩薩蠻

迴塘風起波紋細刺桐花裏門斜閉殘日照
平蕪雙雙飛鷓鴣 征帆何處客相見還相
隔不語欲魂銷望中煙水遙

等閑將度三春景簾垂碧砌參差影曲檻日
初斜杜鵑啼落花 恨去容易處又話瀟湘
去凝思倚屏山淚流紅臉斑

隔簾微雨雙飛鷺砌花零落紅深淺捻得寶

箏調心隨征棹遙 楚天雲外路動便經年
去香斷畫屏深舊懽何處尋

西溪子

金縷翠鈿浮動粧罷小窻圓夢日高時春已
老人來到滿地落花慵掃無語倚屏風泣殘紅

虞美人

金籠鶯報天將曙驚起分飛處夜來潛與玉
郎期多情不覺酒醒遲失歸期 映花避月
遙相送膩髻偏垂鳳却迴嬌步入香閨倚屏
無語撚雲笺比翠眉低

河傳

去去何處迢迢巴楚山水相連朝雲暮雨依
舊十二峯前猿聲到客舫 愁腸豈異丁香
結因離別故國音書絕想佳人花下對明月
春風恨應同

春暮微雨送君南浦愁斂雙蛾落花深處啼
鳥似逐離歌粉檀珠淚和 臨流更把同心
結情哽咽後會何時節不堪迴首相望已隔
汀洲艣聲幽

花間集卷第十